

B. N. C.
FIRENZE


1101

29





1101.29



1101 29

C L E M E N S

P A P A V I I I .

Ad perpetuam rei memoriam .



NIVERSALIS Ecclesiæ regimini meritis licet im-
 paribus diuina disponente clementia præpositi, ac
 impositum nobis Apostolici muneris officium ad
 eiusdem Ecclesiæ exaltationem exequi coadiuuante
 Domino cupientes, ea libenter Apostolicæ confir-
 mationis robore communimus, quæ ad Religiosorū
 in eadem Ecclesia Dei assidue laborantium prosper-
 um regimen, & felicem directionem ab eorum su-
 perioribus provide statuta, & ordinata esse noscun-
 tur, prout eorum Religiosorum statui, ac aliàs in Domino salubriter con-
 spicimus expedire. Nuper siquidem dilectus filius Andreas Fiuizanus Or-
 dinis fratrum Eremitarum sancti Augustini Prior Generalis salutaria quæ-
 dam ad rectum totius Eremitarum Ordinis prædicti gubernium pertinen-
 tia decreta edidit in hanc formam videlicet, Frater Andreas Fiuizanus
 Ord. Eremitarum sancti Augustini Prior Generalis indignus, Venerabili-
 bus in Christo dilectis quarumcunque Prouinciarum, siue Congregationum
 eiusdem Augustinianæ familiæ Patribus, Vicarijs nostris Generalibus, ac
 Visitatoribus, Prouincialibus, Prioribus, Fratribusque vniuersis, Salutem
 in Domino sempiternam. I N eminenti nostri huius ordinis specula, cui
 nos prætulit diuina Maiestas, immoto intuitu vigilantes, vt ex hac quasi
 arce nostram vniuersam refugij Ciuitatem Apostolicis lapidibus fabrefac-
 tam, & Beati Augustini parentis nostri laboribus in Christo Iesu Ecclesiæ
 fundamento ædificatam inconcussam custodiremus: cuncta hinc eminus
 lustrauius; monentes interdum, interdum minantes; nunc annuentes,
 nunc renuentes: tutantes fortia, munientes imbecillia, iam proprijs
 conatibus pijsque studijs atque consilijs nostræ Religionis professori-
 bus insidias inimicorum detegentes: vt hic, quò aufugimus, tanquàm in
 oram fluctuantis sæculi tutissimam, tandiū moraremur, donec Paradisi
 portum, fidissimam nostris carinis stationem attingeremus. In hoc igitur
 munere versantes, hoc vnum nostro desiderio superesse conspeximus,
 vt vos omnes dilectissimos fratres ore ad os inuiseremus, viciniore oculo
 omnia conspiceremus; & districtiori certioriq. notitia singula, vt
 par est, nosceremus. Vetuit hoc temporum criminosa iactura; nostrumq.
 tam salutare institutum (Deo tamen ad melius omnia transferente) hu-
 cusque effectu priuauit. Nolumus tamen, vt interdum silentio pereant,

quæ nostro edicto instaurari, & diutissime viuere possunt: quo enim non peruenire non possumus nostra perueniet vox, per quam intelligent religiosi, quid singulis, quid omnibus sit agendum. Clarissimum equidem habemus classiarium Magnum scilicet Patrem eundem Beatum Augustinum hereticorum fortissimum malleum; & Christiani exercitus inuictissimus. Confensorem, Sanctam veneramur regulam tanto charitatis ardore institutam; iustas ferimus constitutiones à peritis pijsq. patribus constitutas, ita ut non desint arci munitiones, non munimenta; deest forsàn ea obseruantia, ac vigilantia militum, quam nos semper desiderauimus: quotidie postulauimus; sæpe iussimus. Quare in militum delectu cogitantes, de cætero cauendum esse arbitramur, nè illud Hominem non habeo, languens clamet & conquerratur Religio; hæc igitur (diuino numine inuocato) in nouitiorum receptione, & superiorum electione, iuxta Sacram Tridentinam Synodum ac ordinis constitutiones in primis sancimus, & sancita obseruari mandamus.

Anima duertètes totam Regularis vitæ reformationē in humili paupertate, & necessaria commoditate, veluti duobus cardinibus positam esse, nostramq. præcipuè Regulam sub sanctis Apostolis fuisse constitutā; quibus & si nulla esset possessio; nulla tamen erat egestas: seruebant in siti: inueniebant vnde extinguerent, prædicabant in fame, occurrebat quomodo eā expellerent; ambulabant in frigore & nuditate; acquirebant uti se operirēt: quod Sacrum Tridentinum Concilium optimè noscens sess. 25. cap. præsertim secundo apertè declarat: proinde & nos proprietatē contagiosam vetantes; superflua prohibentes; paupertatem quam vouimus, sub pænis, quas nostis, mandantes; & commendantes; volumus: ut nostris fratribus iuxta conuentuum facultatem nihil necessarium denegetur. Quod vt commodius executioni tradatur, id recolimus, in vniuerso ordine perpetuò obseruandum, quod tertio cap. prædictæ Sess. continetur. quod in Monasterijs tam virorum quàm mulierum is tantum numerus constituatur, ac in posterum conseruetur, qui vel ex redditibus proprijs Monasteriorum, vel ex consuetis eleemosynis commode possit sustentari. Ad cuius executionem Venerabilibus Prouincialibus, & Visitatoribus in meritū salutaris obedientiæ, & sub arbitrarijs pænis præcipimus vt in suis visitationibus singulorum Conuentuum redditus; eleemosynarum quantitatem; locorum necessitatem; ac Missarum obligationes in Visitationum calce significant. Quibus in Diffinitorium delatis, Patres diffinitorij, primo post harum declarationem capitulo, habito calculo, ac ratione singulorum Conuentuum & Fratrum illius Prouinciæ numero computato, statuunt quot Fratres singulis Monasterijs adscribi de familia possint, & in codice ad hoc deputato notent, atque chirographo subscribant. quam exactam Conuentuum indagationem in singulis Prouincialium, ac Visitatorum visitationibus faciendam, & in Diffinitorio referendam mandamus, vt iuxta reddituum augmentum vel decrementum, numerus etiam Fratrum minui, vel augeri possit. Et si inuenerint, quod Fratrum numerus superet cœnobiorum facultatem, Fratres hos supranumerarios per omnes eiusdem Prouinciæ Conuentus respectiue diuidant: & tunc in ea nullus recipiatur nouitius, quouique ha-

iulce-

iuscemodi Prouinciæ Fratres ad eum redigantur numerum, quem sacrum Concilium præscribit. quod sub pœna priuationis vocis tam actiue quàm passiuæ, & cuiuscunque gradus, Dignitatis, vel officij per decennium contra omnes & singulos Superiores, Diffinitores, Visitatores, cæterosq. patres, contra facientes ipso facto incurrenda præcipimus & mandamus. Nisi tamen quis vel nobilitatis genere vel virtutû meritis, ita præstas vt religioni utilis valde futurus sit in prouincijs citramontanis habitum pro se petat, tunc nostra vel successoris nostri licentia impetretur, aliæ verò Prouinciæ Ultramontanæ ad hoc minime teneantur, quando talis recipiendus à duabus partibus electorum fuerit receptus, cum ob moram & magnam locorum distantiam aliqua inconuenientia inde sequi possint. Quapropter in singulis nostri Ord. Capitulis & Congregationibus Patres Diffinitorij post huiusmodi familiarum dispositionem, videant an illo biennio aliqui in illa Prouincia nouitij recipi possint, aut debeant; & quicquid circa hoc statuerint, scribatur in actis capituli, & executioni omnino mandetur, quo biennio tot tantum nouitios, quot prædicti Patres destinauerint, sub eisdem pœnis recipi in ea Prouincia posse mandamus. Cum verò nouitiorum electio, religiosi progressus præseferat indicia; quam ob rem sedulam operam in militum electione adhiberi cernimus, nec immerito Constitutiones nostræ in decimonono tertiæ partis hanc prouinciã, tanquam, grauissimam deputatis demandant: Volumus fel. rec. Sixti Papæ V. Constitutionem à Gregorio XIII. confirmatam; necnon ordinis Constitutiones in præfato cap. & in primo secundæ partis. de ætate & qualitate eorum qui ad Ord. sunt recipiendi, diligenter obseruari, nosq. & singula statuta à nostris prædecessoribus facta vel in Capitulis siue Congregationibus circa hoc instituta innouamus, & cõfirmamus, atque omnia prædicta respectiue de nouitijs vtriusque sexus recipiendis intelligenda esse decernimus & declaramus, iubentes in vnaquaque Prouincia, vel Congregatione libellum edi debere in quo præfatarum Bullarum Constitutionum, ac statutorum clausulæ huiusmodi seriatim conscribantur, ac Prouincialis & Diffinitorum subscriptionibus muniantur. Cuius libelli tria saltem fiant exempla; quorum aliud Prouincialis, aliud nouitiorum Magister, aliud Prior præcipui Conuentus vbi nouitij recipi consueuerunt, habeant: vt superiores, quænam in nouitiorum receptione obseruare debeant, optimè calleant; & cum quis in fratrum numerum se coaptari instanter petierit, illi præfatas libelli condiciones præsignificent, aut præsignificandas curent, quibus attentis, si recipiendus nullam earum rationum sibi repugnantem norit, & exposuerit, memoriale conformiter edat, illudq. Superiori, vel in hoc ab ipso specialiter delegato præsentet. Cuius exposita veritas vt in lucem prodeat & luce clarius approbetur, rigorosum indicimus examen & informationem per duos Patres fide dignos faciendam: qui durante Capitulo duo erunt ex iudicibus causarum; expirato verò duo ex deputatis Conuentus illius, vbi nouitius recipiendus erit; quibus iuramentum præstet Superior, quod quocunque humano respectu posthabito, diligenter, secreto, ac fideliter de singulis iuxta libelli seriem se informet, & separatim

scribant, atque subscribant quicquid, vel boni vel mali relatum inuenerint; deinde informationes illas simul cum memoriali, Superiori hoc deleganti tradant. Et si Superior, & duo prædicti Patres viderint informationes in essentialibus non respondere requisitis qualitatibus: tunc vel idem Superior, vel alius de eius mandato, charitatiuis verbis habitum petenti dicat, quod eum Conuentus illo biennio recipere non potest, &c. ac de illo amplius in ea Prouincia sub præfatis pœnis nullatenus agatur. At si dubia res fuerit, vel clara, quod dictus recipiendus omnes habeat requisitas qualitates, tunc (diebus tamen distinctis) Patribus Consilij proponatur, qui, visis omnibus in præfato memoriali contentis, & in informationibus deductis, seruent nostrarum Constitutionum formam, at si negatiua sequatur conclusio, dicatur habitum petenti, vt supra, & sub eisdem pœnis numquam amplius de illo in ea Prouincia agatur. Si autem affirmatiua, tunc recipiendus ad iussum Superioris examinetur de sufficientia, iuxta formam prædictæ Constitutionis, & cum illum sufficienter edoctum, vel apprimè docilem inuenerint, superior Conuentui proponat, eique quicquid circa recipiendum gestum fuerit, exponat: quod examinatores etiam, si is annuerit, publice faciant, vt omnes vocales perfectam adipiscantur notitiam recipiendi: quibus votantibus, si fuerit receptus, seruetur Constitutio, & ad habitum loco & tempore à Prouinciali signato admittatur: sed si non fuerit receptus, tunc octo ad minus elapsis diebus, iterum Conuentui proponatur, quo in eadem sententia persistente, nullatenus de illo in toto ordine amplius agatur. Si verò hac secunda vice fuerit receptus, tertia denuò proponatur; & tunc quicquid concludatur, executioni mandetur. Declarantes, quòd Instrumenta publica & authentica licet fidè generent sufficientem de parentibus, patria, nómine, cognomine, ætate, ac similibus, ad iudicialia pertinentibus, in illis tamen, quæ mores respiciunt personales, vitam & generationem prædictis tantum Instrumentis acquiriscendum prohibemus, sine dictarum informationum accessione, vt iuxta dict. s. ca. Priscis, Intrantes Religionem, super conditione generis, & de statu examinentur, & fides indubitata de vnoquoque in Ordine nostro professionè emissuro, habeatur. Hactenus, quicquid super sit, non est silendum per nugas, iam dudum accepistis Canones, Apostolicas Constitutiones audistis, leges nostras præ oculis, vt libuerit habebitis, illuc in reliquis recurrite, ac si in alteram declinare lancem animo, vel casu duxeritis, arctiorem eligite viam, qua per reformationum tribulos ad latissimos, ac latissimos cæli campos properamus. Modò secundum aggrediamur institutum, ac difficilius: Egimus de nouitijs, agamus de cæteris quibus munia religionis demandantur. In quorum electionibus tria cupimus præ cæteris obseruari. Primo canonicam attendentes electionem, præcipimus, quòd in Prouincialibus capitulis Pater Præsidens postquam fuerit acceptatus, & officiales Capituli, iuxta Constitutiones parte tertia, capite septimo elegerit, priusquam vocales ad Prouincialis electionem nominentur, Prouinciæ visitationes publice petat, & statim Prouincialis suas, Visitatores itè suas afferant, illiq. præsentent, qui P. Præsidens simul cum Iudicibus causarum, eas sedu-

10, ac breui discurrentes, si quem Capitularem inspexerint vocem habentem
culpatum, qui ob sua demerita, officio vel voce esset priuandus, partibus
auditis, ea breuitate, quæ tunc requiritur, causam recognoscant, & iuxta
nostri ordinis leges diffiniant, sententiam singuli subscribentes. Qui (si
prædictis videbitur) à Conuentu ubi Capitulum celebratur, discedere com-
pellatur, & à loco à Patre Præsidente assignato sub pœna grauioris cul-
pæ per duos menses discedere non audeat, durante Capituli celebratione.
Et conseruentur Visitationes, vt iuxta Constitutiones in diffinitorio reui-
deantur, & æquius familiæ ordinentur. Secundò, vt ambitionis, & domi-
nandi cupiditatis semina radicitus euellantur, statuimus, ac declaramus,
quòd qui per continuum sexennium Priores, Diffinitores, Visitatores,
siue Discreti, cuius electio omnino, iuxta formam Constitutionum fiat,
alternatim, vel successiuè fuerint: dicto termino extincto ad aliquod offi-
cium habens votum in Capitulo Provinciali, illius biennij vel triennij, eli-
gi mininè possint. Ne tamen videamur Spiritui sancto resistere, decerni-
mus, quod casu emergente, in quo electores de comuni omnium consensu,
nemine penitus discrepante quempiam ad quodcumque eligant offi-
cium, ratam & validam fore electionem, hoc minime obstantè mandato.
Postremò Religiosam eligentium libertatem fouentes, similitates, hu-
manasque relationes dissecantes, Religionis beneficium prosequentes, &
ad nostras electiones transferentes, decernimus, vt deinceps in Capitulis
nostris Prouincialibus, aut Congregationibus duo, vel plures in primo vel
secundo gradu consanguinei vel affines, nullatenus simul conueniant, &
votare possint, & multo minus Diffinitorium simul ingredi, & concurrere
etiam ad tertium vsque gradum eodem biennio vel triennio valeant. Nec
tales in præfatis gradibus primo & secundo coniuncti (si fuerint Sacerdotes
vocem habentes) in eodem Monasterio conuentualiter degere possint, nisi
communi Patrum Diffinitorij consensu per vota secreta accedente, scilicet
in euidentibus casibus inenitabilis necessitatis. Tunc verò ille, cum quo fue-
rit dispensandum toto dicto tempore intercedente in eo conuentu voce
passiua omnino careat, & actiuam in illis tantum electionibus, aut proposi-
tionibus habeat, in quibus talis eius consanguineus non votauerit. Quando
autem duo vel plures huiusmodi consanguinei, vel affines votum, casu
aliquo haberent, ille tantum, qui ratione officij digniorem locum habuerit
ad Capitulum accedat, cæteri verò non accedant, nec accedere permittan-
tur. At si contingat, quòd multi non ratione officij, sed legis, ac priuilegij
concurrant, tunc professione antiquior, si voluerit, votare poterit. Et hæc
quæ de consanguineis & affinibus dicta sunt ita declaramus, quòd illi, qui in
officijs actualiter existunt & vocem habent, ac in eodem conuentu simul
commorantur eodem modo & forma, se in omnibus habeant sicut hætenus
habuerunt, quousque suis officijs functi fuerint, & donec ad proximè cele-
brandi Capituli Provincialis, vel Congregationis inchoationem exclusiuè
in vnaquaque Prouincia peruentum fuerit; ita tamen quòd dicti consan-
guinei siue affines in nouis electionibus faciendis in capitulis præfatis siue
Congregationibus mininè votare simul possint, nec post familiarum dispo-

fictionem, & illarum publicationem simul conuentualiter in eodem conuentu degant : Nam etſi per prædicta alicui in præſentiarum præiudicare non intendimus; nihilominus in futurum, pro communi pace, & quiete Religionis, omnia & ſingula prædicta in Capitulis & Congregationibus proximè celebrandis, executionem omnimodam habere volumus. Hæc ſunt, chariſſimi, quæ circa nouitiorum receptionem, & Superiorum electionem vobis proponenda duximus, ad plura, & maiora vos in dies hortaturi: quæ ne noſtro ſenſu, vnico Marte, aut proprio arbitratu digeſta viderentur, ſuper eis, non ſolum Illuſtriſſimum & Reuerendiſſimum D. Antonium Cardinalem Saulium digniſſimum Ordinis noſtri Proteſtorè, ſed etiam Sanctiſſimum Dominum Noſtrum D. Clementem Papam Octauū conſulendum eſſe cenſuimus, qui paterna ac Pontificia in vos charitate propenſus, omnia prædicta auctoritate ſua Apoſtolica approbavit, & confirmauit. Quare omnes electiones & nouitiorum vtriuſque ſexus receptiones deinceps contra hæc noſtras ordinationes factas nullas irritas, ac inualidas eſſe decernimus, & declaramus, quibuſcunque in contrarium non obſtantibus. Quicumque verò poſtquàm præſentium litterarum notitiam habuerint illarum effectum per ſe, vel per alium, quomodolibet & quocumque prætextu etiam ad nos reſcribendi, & informandi impedire, mutare, vel prorogare auſi fuerint, in ſententiam excommunicationis quam in his ſcriptis licet inuiti ferimus, trina canonica monitione præmiſſa ipſo facto incurrant, à qua abſolui à nullo nobis inferiore poſſint, & nihilominus eoſdem omni dignitate, officio, ac immunitate perpetuo priuatos iudicamus, ac declaramus, & ſub eiſdem pœnis ſuperiores omnes in ſuarum Prouinciarum Conuentibus, prædictas litteras, vbi primum ad eorum manus peruenerint publicari & ad omnium notitiam deduci ac Fratribus conuentualiter congregatis, publicè legi faciant. Veſtrum eſt, fratres in Chriſto dilectiſſimi, iuſſis obtemperare, & quam proponimus boni regiminis rationem libenter amplecti. Reformamini igitur viri fratres, reformamini in nouitate ſenſus veſtri, donec formetur Chriſtus in vobis, qui reformabit corpus humilitatis noſtræ, configuratum corpori claritatis ſuæ. Accipite loricaſ Fidei, arma iuſtitiz aſſumite, & induimini Dominum Ieſum Chriſtum. Viriliter agite, & confortetur cor veſtrum, ſcientes non lauream, aut ex corruptibili materia compoſitam vobis promiſſam eſſe coronam, ſed ex perfectiſſimo cæleſtis beatitudinis auro inter cæleſtes beatorū ſpirituū choros per Saluatorem noſtrum ſufficienter elaboratā, quæ militibus præparatur, præliantibus monſtratur, & viucentibus donatur. Hanc fratres vobis acquirite, nobiſq. veſtris orationibus, piſque operibus obtinete. Bene in Domino valete. Datum Romæ die 16. Februarij M. D. XCVI. Noſtri officiij aſſixo paruo ſigillo. F. Andreas Fiuizanus Generalis Indignus. Hæc autem decreta, prout ipſe Andreas Prior Generalis pro bono ſui Ordinis regiminiꝝ zelo religionis ductus edidit, ſic, vt par eſt, à ſuis Religioſis humiliter recipi, & prompta obedientia executioni demandari cupit, verum nobis prius examinanda, & Apoſtolice confirmationis robore approbanda ea qua dicitur, prout, reuerentia propoſuit, ac humiliter

supplicari fecit, vt p̄ia suā intentioni in p̄missis opportunē fauere de be-
 nignitate Apostolica dignaremur. Nos igitur, qui in his auctoritatis no-
 strā partes libenter interponimus, quā ad Religioforum statum prosperē d̄-
 rigendum pertinent, eiusdem And̄æ Prior Generalis pijs votis benignē
 annuere volentes, decreta, & ordinationes supradictas, quā d̄ dilecto filio no-
 stro Antonio tituli sancti Stephani in monte Caelio Presbytero Cardinali
 Saulio eiusdem Ordinis apud Nos Protectori, diligenter examinari volui-
 mus, quāq. ex ipsius etiam Antonij Cardinalis approbatione p̄dicti Or-
 dinis prospero regimini valde vtilia fore accepimus, Apostolica auctori-
 te tenore p̄sentium perpetuo confirmamus, & approbamus, illisq. perpe-
 tuā, ac inuiolabilis Apostolicā confirmationis robur adijcimus, ac omne
 & singulos tam iuris quā facti defectus, si qui in eisdem interuenerint sup-
 plemus. Mandantes propterea in virtute sanctā obedientiā vniuersis &
 singulis eiusdem Ordinis fratrum Eremitarum sancti Augustini superiori-
 bus fratribus, & Religiosis vtriusque sexus, ad quos spectat, & in futurum
 spectabit, vt decreta, & ordinationes p̄dictas inuiolate perpetuo obser-
 uent, & ab alijs ad quos spectat & spectabit, obseruari curent, & faciant: Eos-
 que qui aliquo modo ea obseruare renuerint, aut his contradixerint, vel se
 opposuerint, p̄enas in eisdem decretis, & ordinationibus adiectas eo ipso
 incurrere, sicq. per quoscunque iudices ordinarios, & delegatos sublata eis
 & eorum cuilibet quauis aliter iudicandi, & interpretandi facultate, & au-
 thoritate iudicari, & definiri debere, ac irritum & inane quicquid secus su-
 per his d̄ quoquam quauis auctoritate scienter vel ignoranter contigerit
 attentari decernimus, & declaramus: non obstan. constitutionibus & ordi-
 nationibus Apostolicis, ac alijs eiusdem Ordinis statutis & consuetudini-
 bus etiam iuramento confirmatione Apostolica, vel quauis firmitate alia
 roboratis, ceterisq. contrarijs quibuscunque. Volumus autem p̄sentium
 exemplis etiam impressis manu notarij publici subscriptis, & sigillo perso-
 nā in Ecclesiastica dignitate constitutā obsignatis, eandem fidem in iudicio
 & extra illud haberi quā ipsis p̄sentibus haberetur si forent exhibitā vel
 ostensā. Dat. Romæ apud S. Petrum sub annulo Piscatoris die 28. Februarij,
 M. D. XCVI. Pontificatus nostri Anno Quinto.

M. Vestrius Barbianus.

99 960087

1101 24

1101 24





